

太微帝君二十四神回元經

漆四

太微帝君太一造形紫元內神二十四真人混氣變生主仙上精散解胞結釋滯關元二十四神所命乃得除脫也兆能修存名字者則治鎮一身保守元精欲解節結之法當先

漆

祝之乃得開關耳此靈並是結氣之玄宗成體之具神連道雲霧帶生烟熅能致玉輦龍騎千萬列行同與一體白日登天此太上真人二十四神存玄元帝君上清乘鸞歛之道也常當安身靜心正氣夷行閉目內視忘體

念神燒香盥練存神守真場騷三入謁暉玄英行之十八年太上命太微帝君太一五神化生混靈道君從二十四真人千乘萬騎馳風攝云呼吸派昇白日造天存神之通勿交非類深室避事栖精躡空心存目想微妙守

冲靜莫安形則萬害不傷百鬼避竄千妖不行消災散禍福慶不可勝紀先叩齒二十四通畢乃存思

騰神明覺元子字道都形長道一寸一分色正白髮神名玄文華字通衡形長二寸二分

色玄皮膚神名通來仲字道連形長一寸五分色黃目神名虛監生字道童形長三寸六分衣五色項髓神名靈讓蓋字道周形長五寸色白素衣替神名益歷輔字道柱形長三寸半白玉素衣鼻神名冲龍玉字道微形長

二寸五分青白黃色衣舌神名始梁峙字道歧形長七寸正赤色右一身上部八景神童名字先存之並如嬰兒之形騷騷在身各安其所訖乃齒八通咽液八過而微祝曰上景八神一合入身帝君玄母五神各陳舉

形變化流變適真千乘萬騎俱昇帝宸白元無英道卷太賓八靈異體玉華銜煙恍惚十周徑造日門初存思之始先三呼神名字祝訖又三呼神名字今聲則出口三部同爾平旦日中夜半三時恒存二十四神以次念之

祝呼如上法高上寶神明科經說曰叩齒之法左右相叩名曰扣天鐘石右相叩名曰搥天磬中央上下相對相叩名曰鳴天鼓若卒遇凶惡不祥當叩天鍾三十過若經山辟邪威神大祝當搥天磬若存思念道致真招靈

當鳴天鼓叩齒雖一其實有左右上下也故凶惡而畏天鍾之響山神而憚天磬之動招神而肅天鼓之震大玄青有節希微內感不可以一槩而求不可以偶然而合也千童萬事皆當如此叩齒之道演矣鍾鼓之音別矣

是以道教不可乖錯法術不可雜亂乖錯則有暗昧之敗雜亂則有蕩毀之禍非冥冥之無貫也行冥冥之無序則道之不可成事之不可驗良由求真之途不得也履迹蹈之造而名愆于世俗矣扣天鍾三十過謂無他祝

孤行此以除不祥耳若有所案行隨本法叩齒之多少不必須扣三十過也喉神名百派放字道通形長八寸八分九色衣肺神名素靈生字道平形長八寸一方純白心神名煥陽昌字道明形長九寸色赤肝神名開君童

子道青形長六寸色青黃膽神名龍德拘字道放形長二寸六分色青黃綠左腎神名春元真字道卿形長三寸七分數變白赤青五色無常右腎神名象地無字道生形長三寸五分色白或黑脾神名寶元全字道靈形長

七寸三分色正黃右一身中部八景神童名  
字次存之並如嬰兒之形髣髴在身各安其  
所訖叩齒八通咽液八過而為咒曰  
中景八神四變九飛練魂正身明景向暉帝  
君解結胎練四歸上通玄母散靈步感得與

八神合輦齊靡千乘萬騎上登太微胃神名  
同來育字道展形長七寸色黃窮腸中神名  
兆滕康字道還形長二寸四分黃赤色大小  
腸中神名蓬送留字道厨形長二寸一分色  
赤黃胸中神名受厚勃字道虛形長九寸一  
分九色衣胃腸神名廣瑛宅字道仲形長五  
寸色白兩脇神名辟瑕馬字道成形長四寸  
一分赤白色左陰左陽神名扶流起字道圭  
形長二寸三分青黃白色在男存為左陽在  
女存為左陰右陰右陽神名苞表明字道生

形長二寸三分青黃白色在男存為右陽在  
女存為右陰  
右一身下部八景神童名字後存之並如嬰  
兒之形髣髴在身各安其所訖乃叩齒八通  
咽液八過而微祝曰

下景八神散形九靈紫煙鬱生舍元守精太  
一元天帝君挺生七奕免籍司命記生竟臆  
以安五華育明千乘萬騎與我同並先造太  
素止楫上清道一內神明遠無馬字道極生  
形長一寸二分紫色男存曰道一內神女存

曰真元中靈右一神極根之幽神守中之上  
靈也次有存之如嬰兒之狀安坐其所訖乃  
叩齒二十四通咽液二十四過而微咒曰  
玄上內真養形侍晨總紐攝綱九度八旋斗  
星內朗官館九陳帝君合昌九道七咽出液  
內精和灌衆神五歲生華友老童顏千乘萬  
騎與我昇天上朝太陛高揖玉晨右一身寶  
名內字化生之精神也不知此名則仙道不  
成矣若解結之日不先祝此者則結節不解  
也結節不解必三竟失適

上元內喪五老失明帝君垂蹙也男存為童  
子之神女存為女子之神俱同一名字也存  
二十四神當以夜半去枕平臥握固放體氣  
調而微存思其身神安念帝君令髮髻居位  
閉目內視之如有不具便當燒香平生閉目

裡固兩膝上精存衆神祝行如法其平旦日  
中時存神自平坐而行之勿令有見之者矣  
皆內視臨閉目而存也月一日夜半存神訖  
又存兩目中有白無如雞子大在兩目前須  
史變成兩明鏡徑九寸以前後照我一體上

二十四神使洞鑿分明良又乃心祝曰  
大明寶鏡分形散花鑿朗元神制却萬魔飛  
行上清披雲巾羅役使千靈封山召河畢五  
日一行之所謂覆校內精檢五神者也常能  
行之災害不生而位登高仙佛童之道使微  
見帝君五神之法常以甲子之旬庚午日日  
中時取清水一升以一銖真丹投水中攪之  
左行三五過祝曰  
玄派朱精生光八明身神衆列並來見行微  
視萬里中達九靈帝君映童使我上清祝畢

東向以洗目二七過慎行之者微視萬神  
祝當微言以水向月建洗目不常東向也  
太微帝君二十四神回元經終